

四庫全書

集部

欽定四庫全書

御選歷代詩餘卷三十四目錄

起五十六字至五十七字

步蟾宮

又一體

鍾過

蔣捷

三首

無名氏

夜行船

又一體

趙長卿



楊无咎

二首

黃機

許棐

高觀國

史達祖

吳文英

三首

周密

二首

前調

又一體

歐陽修

前調

又一體

楊无咎

送將歸

王觀

鳳銜杯

晏殊

前調

又一體

晏殊 二首

卓牌兒

楊无咎

戀繡衾

趙汝茆

樓上曲

張元幹 二首

臨江仙 又一體

趙長卿

西江月

又一體

趙與仁

錦帳春

戴復古

廳前柳

無名氏

柳搖金

無名氏

茶瓶兒

又一體

李元膺

清江曲

蘇庠

翻香令

蘇軾

市橋柳

蜀中妓

河傳又一體

葉小鸞

梅花引

王特起二首

趙秉文

高憲

前調又一體



万俟雅言

一斛珠

南唐李煜

晏幾道

四首

張先

二首

蘇軾

三首

黃庭堅

晁補之

周紫芝

二首

謝逸

周邦彥

趙長卿

張元幹

張掄

二首

侯寘

二首

范成大

程琰 二首

周必大

管鑑

王千秋

陸游

黃機

劉光祖

毛升

高觀國

史達祖

張榘

沈端節

吳文英

周密  
三首

王沂孫

張炎  
二首

欽定四庫全書

尚書歷代詩餘

卷三十四目錄

石孝友

三首

薛夢桂

王坊

陳堪儒

陳子龍

夜遊宮

秦觀

賀鑄

毛滂

周邦彥  
三首

呂渭老

張孝祥

方千里

楊澤民

吳文英  
二首

御選歷代詩餘卷三十四目錄

欽定四庫全書

御選歷代詩餘卷三十四

起五十六字  
至五十七字

司經局洗馬掌局事兼翰林院修撰加二級臣王奕清奉

百校刊

步蟾宮

又一體雙調

五十六字

步蟾宮

鍾過

東風又送酴醾信  
早吹得愁成潘鬢  
花開猶似十年前



人不似十年前俊 水邊珠翠香成陣也消得燕窺鶯  
認歸來沉醉月朦朧覺花氣滿襟猶潤

前調 中秋

蔣捷

去年雲掩冰輪皎喜今歲微雲俱掃乾坤一片玉琉璃  
怎算得清光多少 無歌無酒癡頑老對愁影翻嫌分  
曉天公原不負中秋我自把中秋負了

前調 木樨

蔣捷

綠華翦碎嬌雲瘦臘妝點菊前蓉後娟娟月也染成香

又何況纖羅襟袖 秋窓一夜西風驟翠匳鎖瓊珠花  
鏤人間富貴總腥羶且和露攀花三嗅

前調

蔣捷

玉牕掣鎖香雲漲喚綠袖低敲方響流蘇拂處字微謫  
但斜倚紅梅一晌 濛濛月在簾衣上做池館春陰模  
樣春陰模樣不如晴這催雪曲兒休唱

前調

無名氏

東風捏就腰肢細繫六幅裙兒不起從來只慣掌中行

怎恐在燭花影裡 酒紅應是鉛華退暗感損眉峰雙  
翠夜深著綉小鞵兒靠那箇屏風立地

夜行船

又一體一名雨中花令一名  
明月棹孤舟雙調五十六字

夜行船

趙長卿

綠鎖牕紗梧葉底麥秋時晚寒慵起宿酒厭厭殘香冉  
冉渾是那時天氣 別日不堪頻屈指回頭早一年不  
當搔首無言闌干十二倚了又還重倚

前調

楊无咎

翠袖輕籠檀板轉，聽聲聲曉鶯初轉。花落江南柳青客，  
舍多少舊愁新怨。我也尋常聽見慣，渾不似這番撩  
亂。調少情多，語嬌聲咽，曲與寸腸俱斷。

前調

楊无咎

怪被東風相錯誤，落輕帆暫停烟渚。桐樹陰森，荇簷瀟  
灑，元是那回來處。相與狂朋沽綠醕，聽仙姬隔牕言  
語。我既癡迷，卿還留戀，明月慢移船去。

前調

京口  
南園

黃機

紅濺羅裙三月二露桃開柳絲又起百尺遊絲冒鶯留  
燕判與南園一醉 歷歷斜陽明野水倚危欄暮雲千  
里說與遊人直須燒燭早晚綠陰青子

前調

許棐

一轡東風留不住離歌斷日斜春暮多事啼鶯妬情飛  
燕一路送人歸去 文君自被琴心誤却惆悵落花飛  
絮錦字機寒玉爐烟冷門外亂山無數

前調

高觀國

翦水天風吹醉醒  
高樓外凍雲愁凝袖口香寒歌喉春  
暖不管鴈邊寒緊  
瓊屑瑤花飛碎影應須待玉田千  
頃小約梅英教吟柳絮春在繡紅鴛錦

前調

聞青杏  
花有感

史達祖

不翦春衫愁意態  
過收燈有些寒在小雨空簾無人深  
巷早已杏花先賣  
白髮潘郎寬沈帶怕看山憶他眉  
黛草色拖裙煙光惹鬢常記故園挑菜

前調

贈趙梅壑

吳文英

碧甃清漪方鏡小。綺疏淨。半塵不到。古鬲香深。宮壺花  
換。留取四時春好。樓上眉山雲窈窕。香衾夢鎮疎清。  
曉並蒂蓮開合。歡屏暖。玉漏又催朝早。

前調

寓化度寺

吳文英

鴉帶斜陽歸遠樹。無人聽。數聲鐘暮。日與愁長。心灰香  
斷。月冷竹房扃戶。畫扇青山吳苑路。傍懷袖。夢飛不  
去。憶別西池紅綃。感淚腸斷。粉蓮啼露。

前調

吳文英

逗曉闌干露露水歸期杳畫簷鵲喜粉汗餘香傷秋中  
酒月落桂花影裏幾曲屏山和夢倚行雲重夢飛不  
起紅葉中庭綠塵斜挂應是寶箏慵理

前調

周密

蛩老無聲深夜靜新霜燦一簾燈影妒夢鴻高借愁月  
淺紫亂恨絲難整笙譜字嬌謠誰覩香襟冷懶看妝  
印繡閣藏春海棠偷暖還似去年風景



前調

周密

寒菊淒風栖小葉簾櫳靜半規涼月夢不分明恨無憑  
據腸斷錦箋盈篋哀角吹霜寒正怯倚瑤箏暗愁難  
說寶獸頻添玉蟲暗翦長記舊家時節

前調

又一體

歐陽修

憶昔西都歡縱自別後有誰能共伊川山水洛川花細  
尋思舊遊如夢記今日相逢情愈重愁聞唱畫樓鐘  
動白髮天涯逢此景倒金尊殢誰相送

前調

又一體

楊无咎

夾岼綺羅歡聚看喧喧彩舟來去晴放湖光雨添山色  
誰識總相宜處輸與騷人却知勝趣醉臨流戲評坡  
句若把西湖比西子這東湖似東鄰女

送將歸

即雨中花之又一體  
雙調五十六字

送將歸

王觀

百尺清泉聲陸續映瀟湘碧梧翠竹面千步回廊重重

欽定四庫全書

御選歷代詩餘

簾幕小枕歌寒玉 試展鮫綃看畫軸見一派瀟湘凝  
綠待玉漏穿花銀河垂地月上闌干曲

鳳銜杯

雙調五

十六字

鳳銜杯

晏殊

青蘋昨夜秋風起無限箇露蓮相倚獨凭朱闌愁放晴  
天際空目斷遙山翠 彩箋長錦書細誰信道兩情難  
寄可惜良辰好景歡娛地只恁空顚悴

前調

又一體

晏殊

留花不住怨花飛  
向南園情緒依依  
可惜畝紅斜白一  
枝枝經宿雨又離披  
凭朱檻把金卮  
對芳叢惆悵多  
時何況舊歡新恨  
阻心期滿眼是相思

前調

晏殊

柳條花類惱青春  
更那堪飛綠紛紛  
一曲細絲青脆倚  
朱脣斟綠酒掩紅巾  
追往事惜芳辰  
暫時間留住行  
雲端的自家心  
下眼中人到處覺  
光新

卓牌兒

兒或作子亦名卓牌  
兒慢雙調五十六字

卓牌兒

楊无咎

西樓天將晚流素月寒光正滿樓上笑揖姮娥似看羅  
韞塵生鬢雲風亂珠簾終夕捲判不寐闌干凭爇好  
在影落清尊冷侵香幄歡餘未教人散

戀繡衾

雙調五  
十六字

戀繡衾

趙汝芑

柳絲空有萬千條  
繫不住溪頭畫橈  
想今宵也對新月  
過輕寒何處小橋  
玉簫臺榭春多少  
溜啼痕盈臉未  
消怪別來顰脂慵傅  
被東風偷在杏梢

樓上曲

雙調五  
十六字

樓上曲

張元幹

樓外夕陽明  
遠水樓中人倚東風裏  
何事有情怨別離

欽定四庫全書

御選歷代詩餘

卷一百一十五

八

低鬟背立君應知  
東望雲山君去路  
羊腸迢遞盡愁處  
明朝不忍見雲山  
從今休傍曲闌干

前調

張元幹

清夜燈前花報喜  
心隨社燕涼風起  
雲路修成寶月時  
東樓悵望君先期  
沆瀣秋香生玉井  
畫檐深轉梧桐影  
看君西去侍明光  
杯中丹桂一枝芳

臨江仙

又一體雙調  
五十六字

臨江仙

趙長卿

夜久笙簫吹徹更深星斗還稀醉拈裙帶寫新詩瑣牕  
風露燭施月明時 水調悠揚聲美幽情彼此心知古  
香煙斷彩雲歸滿傾雀葉高唱轉花枝

西江月

又一體雙調  
五十六字

西江月

趙與仁

夜半河痕依約雨餘天氣冥濛起行微月徧池東水影



浮花花影動簾櫳  
量減難追醉白恨長莫盡啼紅鴈  
聲能到畫樓中也要玉人知道有秋風

錦帳春

雙調五

十六字

錦帳春

贈陳提舉  
奉母出京

戴復古

處處逢花家家插柳正寒食清明時候奉板輿行樂使  
星隨後人間稀有出郭尋仙繡衣春畫馬上列兩行  
紅袖對韶華一笑勸夫人酒百千長壽

廳前柳

雙調五  
十六字

廳前柳

無名氏

景清佳正倦客凝秋思浩無涯  
遍千里香芬馥桂初華  
向碧葉露芳葩  
為粟粒鵝兒情澹薄倩西風染就丹  
砂不比黃金雨燦餘霞送幽夢到仙家

柳搖金

雙調五十六字  
亦名思歸樂

柳搖金

無名氏

相將初下蕊珠殿似醉粉生香未徧愛惜嬌心春不管  
被東風賺開一半中黃宮裏賜仙衣鬪淺深妝成笑  
面放出嬌嬈難繫管笑東君自家腸斷

茶瓶兒

又一體雙調  
五十六字

茶瓶兒

李元膺

去歲相逢深院宇海棠下曾歌金縷歌罷花如雨翠羅

衫上點點紅無數  
今歲重尋攜手處  
空物是人非春  
暮回首青門路  
亂英飛絮相逐東風去

清江曲

雙調五

十六字

清江曲

蘇庠

屬玉雙飛水滿塘  
菰蒲深處浴鴛鴦  
白蘋滿棹歸來晚  
秋著蘆花一畝霜  
扁舟繫岸依林樾  
蕭蕭兩鬢吹華髮  
萬事不理醉復醒  
長占煙波弄明月

翻香令

雙調五十六字  
以蘇軾詞名

翻香令

蘇軾

金爐猶暖麝煤殘。惜香更把寶釵翻。重聞處、熏在這  
一般氣味勝從前。背人偷蓋小蓬山。更將沉水與同  
燃。且圖得氤氲久。為情深嫌怕斷頭煙。

市橋柳

本蜀妓送行詞。因以詞內  
句名調。雙調五十六字。

市橋柳

蜀中妓

欲寄意渾無所有折盡市橋官柳看君著上春衫又相  
將放船楚江口後會不知何日又是男兒休要鎮長  
相守苟富貴無相忘若相忘有如此酒

河傳

又一體雙調  
五十六字

河傳

七夕

明媛  
葉小鸞

橋畔鸞扇星鈿霞釧暫撇殘機步移思量少年今夕時

淒其未期先慘離 借得姮娥初月鏡窺瘦影拂拭翠  
睂整駕雲蛻河漢西淒迷只愁雞暗啼

梅花引

本笛曲也亦名小梅  
花雙調五十七字

梅花引

王特起

山之麓河之曲一灣秀色盤虛谷水溶溶雨濛濛有人  
行李蕭蕭落葉中 人家籬落炊煙濕天外雲峰迷澹  
碧野雲昏失前村溪橋路滑平沙沒舊痕

前調

王特起

丹楓下瀟湘夜橫披省見王維畫畫無聲慘經營何如  
幻我清寒此道行馬頭風急催行色疑是山靈嫌俗  
客釣魚磯綠蓑衣有人坐弄滄浪獨未歸

前調

過天門  
關作

趙秉文

山如峽天如席石顛樹老冰崖坼雪霏霏水洄洄先生  
此道胡為乎來哉石頭路滑馬啼蹶昂頭貪看山奇  
絕短童隨皺雙眉休說清寒形容想更饑



前調

高 憲

城下路淒風露今人犁田昔人墓  
岼頭沙帶蒹葭漫漫  
昔時流水今人家  
黃埃赤日長安道  
倦客無漿馬無  
草開函關閉函關  
千古如何不見一人間

前調

又一體

万俟雅言

曉風酸曉霜乾一鴈南飛人渡關  
客衣單客衣單千里  
斷魂空歌行路難  
寒梅驚破前村雪  
寒雞啼破西樓  
月酒腸寬酒腸寬  
家在客邊不堪頻倚闌

一斛珠

本唐樂府新聲後遂以名詞  
人名醉落魄雙調五十七字

一斛珠

詠美人口

南唐李煜

晚妝初過沉檀輕注些兒箇向人微露丁香顆一曲清  
歌暫引櫻桃破羅袖裛殘殷色可杯深旋被香醪浥  
繡牀斜凭嬌無那爛嚼紅茸笑向檀郎唾

前調

晏幾道

滿街斜月垂鞭自唱陽關徹斷盡柔腸歸思切都為人

人不許多時別  
南橋昨夜風吹雪  
短長亭下征塵歇  
歸時定有梅堪折  
欲把離愁細撚花枝說

前調

晏幾道

驚孤月缺兩春惆悵  
音塵絕如今若負當時節  
信道歡緣枉向衣襟結  
若問相思何處歇  
相逢便是相思徹  
儘饒別後留心別也  
待相逢細把相思說

前調

晏幾道

天教命薄青樓占得聲名惡  
對酒當歌尋思著  
月戶星

牕多少舊期約  
相逢細語初心錯  
兩行紅淚尊前落  
霞觴且共深深酌  
惱亂春宵翠被都閒却

前調

晏幾道

休休莫莫離多還是因緣惡  
有情無奈思量著  
月夜佳期近  
寫香箋約心心口口長恨  
昨分飛容易當時錯  
後期休似前歡薄  
買斷青樓莫放春閒却

前調

美人吹笛

張先

雲輕柳弱內家髻  
子新梳掠  
生香真色人難學  
橫管孤

吹月澹天垂幕 朱脣淺破桃花萼倚樓誰在闌干角  
夜寒手冷春衣薄聲入霜林簌簌驚梅落

前調

吳興莘  
老席上

張先

山園畫障風溪弄月清溶漾玉樓苔館人相望下若醺  
醺競欲金釵當使君勸醉青娥唱分明仙曲雲中響  
南園百卉千家賞和氣兼來不獨花枝上

前調

蘓軾

洛城春晚垂楊亂掩紅樓半小池輕浪紋如篆燭下花

前曾醉離歌宴 自惜風流雲雨散  
關山有限情無限 待君重見尋芳伴  
為說相思目斷西樓燕

前調

閨門留別

蘓軾

蒼顏華髮故山歸 計何時決舊交新  
貴音書絕 惟有佳人猶作殷勤別  
離亭欲去歌聲咽 瀟瀟細雨涼生頰  
淚珠不用羅巾裛 彈在羅衣圖得見時說

前調

離京口作

蘓軾

輕雲微月三更酒醒船初發  
孤城回望蒼煙合 公子佳

人不記歸時節 巾偏扇墜藤牀滑覺來幽夢無人說  
此生飄蕩何時歇家在西南長作東南別

前調

黃庭堅

紅牙板歇韶聲斷六么初徹小槽酒滴真珠竭紫玉甌  
圓淺浪浮春雪 香芽嫩蕊清心骨醉中襟量與天濶  
夜闌似覺歸仙闕走馬章臺踏碎滿街月

前調

泊山

晁補之

高鴻遠驚溪山一帶人煙簇知君船近漁磯宿輕素橫

溪天澹垂寒玉 誰家紅袖闌干曲  
南陵風軟波平綠 幽吟無伴芳尊獨  
清瘦休文一夜傷單縠

前調

周紫芝

柳邊池閣晚來卷盡東風惡  
人生不解頻行樂 昨夜花開今日風吹落  
楊花却似人飄泊 春雲更似人情薄  
如今始信從前錯 為箇蠅頭輕負青山約

前調

周紫芝

薰風池閣小紅橋下荷花薄  
沙平水淺山如削 水上鴛



鴛何處風吹落 今朝端午新梳掠  
錦絲圍腕花柔弱 人生只有尊前樂  
前度劉郎莫負重來約

前調

謝逸

霜砧聲急瀟瀟疎雨梧桐濕  
無言獨倚闌干立 簾捲黃昏一陣西風入  
年時畫閣佳賓集 玉人檀板當筵執  
銀瓶已斷絲繩汲 莫話前歡忍對屏山泣

前調

周邦彥

茸金細弱秋風嫩 桂花初著蕊  
珠宮裏人難學花染嬌

萸羞映翠雲幄 清香不與蘭蓀約一枝雲鬢巧梳掠  
夜深輕撼薔薇萼香滿衣襟月在鳳凰閣

前調 重午

趙長卿

澹妝濃抹西湖人面兩奇絕菖蒲角黍家家節水戲魚  
龍十里畫簾揭 凌波無限生塵襪冰肌瑩徹香羅雪  
遊船且莫催歸楫遮莫黃昏天外有新月

前調

張元幹

綠枝紅萼江南芳信年年約竹輦路轉溪橋角晴日烘

香的樂疎籬落 玉臺粉面鉛華薄  
畫堂長記深羅幕 惜花老去情猶著  
客裏驚春生怕東風惡

前調

中秋月

張掄

光輝皎潔古今但賞中秋月  
尋思豈是月華別都為人  
間天上氣清徹 廣寒想望  
我瓊闕瑤瑤玉杵聲奇絕  
何時賜我長生訣  
飛入蟾宮折桂餌丹雪

前調

笑萼

張掄

湖光湛碧亭亭照水芙蓉  
坼綠羅蓋底爭紅  
白恍若凌

波仙子步羅韞 如今霜落枯荷折清香無處重尋覓  
浮生似此初無別及取身強一笑對風月

前調

侯寘

梅花似雪雪花却似梅清絕小牕低映梅梢月常記良  
宵吹酒共攀折 如今客裏都休說瀟瀟灑灑情懷別  
夜闌火冷孤燈滅雪意梅情分付漆園蝶

前調

侯寘

玉鈎珠箔夜涼庭院天垂幕好風吹動綸巾角羽扇休

揮已怯絺衣薄 扁舟明日清溪泊歸來依舊情懷惡  
為君喚月驂鸞鶴天近多寒滿飲金鑿落

前調

范成大

棲鳥飛絕絳河綠霧星明滅燒香曳簾眠清樾花影吹  
簾滿地澹黃月 好風碎竹聲如雪韶華三弄臨風咽  
鬢絲撩亂綸巾折涼滿北牕休共軟紅說

前調

賦石榴花

程垓

夏園初結綠深深處紅千疊杜鵑過盡芳菲歇只道無

春滿意春猶慙  
折來一點如猩血  
透明冠子輕盈帖  
芳心蹙破情尤切  
不管花殘猶自揀雙葉

前調

程垓

晚涼時節翠梧風  
定蟬聲歇  
有人睡起香浮頰  
倚著闌干笑揀青荷葉  
如今往事愁難說  
曲池依舊閒風月  
田田翠蓋香羅疊  
留得露痕都是淚珠結

前調

次江西師  
吳明可韻

周必大

才高句傑飛黃却應鸞和節  
新詞聊卷波瀾闊  
泉玉淙

淙猶不比清切  
相逢未穩愁相別  
南園煙草南樓月  
陽關西出重吹徹  
垂柳新栽寧忍便攀折

前調

賞海棠

管鑑

春陰漠漠海棠花底東風惡  
人情不似春情薄  
守定花枝不放花零落  
綠春細細供春酌  
酒醒無奈愁如昨  
殷勤待與東風約  
莫苦吹花何似吹愁却

前調

王千秋

鷺鷥撲簌蕭蕭卧  
聽鳴幽屋牕明怪得雞鳴速  
牆角欄

斑一半露松綠 歌樓絲管誰翻曲  
丹脣冰面噴餘馥 遺珠滿地無人掬  
歸著紅鞦踏碎閒街玉

前調

陸游

江湖醉客投杯起舞遺烏幘  
三更冷翠霑衣濕 娟娟菱歌吹落半川月  
空花昨夢休尋覓 雲臺麟閣俱陳跡  
元來只有閒難得 青史功名天却無心惜

前調

黃機

藕花初發薰風庭院涼  
成霎碧紗金縷籠香雪  
記得年



時心事凭闌說  
如今陡頓音書絕  
夜牕羞見團團月  
錦囊塵暗黃金玦  
留取多情歸趁好時節

前調

劉光祖

春風開者一時還  
共春風謝柳條送我今槐夏不飲香  
醪孤負人生也  
曲塘泉細幽琴寫交牀滑簟應無價  
日遲睡起疎簾挂何不歸歟花竹秀而野

前調

梅

毛幵

暮寒淒冽春風探繞南枝發  
更無人處增清絕  
冷蕊孤

香竹外朦朧月 西洲昨夢憑誰說  
折殘剩憶經年別  
新愁悵望催華髮  
雀啁江頭一樹垂垂雪

前調

高觀國

鈎簾翠濕寒江上  
雨晴風急亂峰低  
處明殘日鴈字成  
行界破暮天碧  
故人天外長為客  
倚闌一望情何極  
新來得箇歸消息  
去掉回舟數過幾千隻

前調

史達祖

鴛鴦意悵空分付  
有情眉曉齊家蓮子  
黃金葉爭比秋

苔蘚鳳幾番躡 牆陰月白花重疊  
匆匆軟語屢驚怯  
宮香錦字將盈篋  
雨長新寒今夜夢魂接

前調

張 槩

瑤姬妙格冰姿微帶露痕折一般惱殺多情客  
風弄橫枝殘月半牕白 孤山仙種曾移得  
結根久傍王猷宅  
欲牋心事呼雲翮  
為報年芳萍梗正南北

前調

沈端節

紅嬌翠弱春寒睡起慵  
勻掠些兒心事誰能學  
深院無

人時有燕穿幕  
漏聲滴盡蓮花萼  
靜看月轉西闌角  
世情一任浮雲薄  
花與東君却解慰  
流落

前調

吳文英

春雲紅玉纖衣學  
翦嬌鴉綠  
夜香燒短銀屏燭  
偷擲金錢重把寸心卜  
翠深不礙鴛鴦宿  
採菱誰記當時曲  
青山南畔紅雲北  
一葉波心明滅澹妝東

前調

送洪仲魯  
之江西

周密

寒侵徑葉鴈飛擊  
碎珊瑚屑  
硯涼閒試霜晴帖  
頌菊騷

蘭秋事正奇絕 故人又作江西別  
畫樓虛度中秋節  
碧闌倚徧誰人說  
愁是新愁月是舊時月

前調

擬參  
晦

周密

憶憶憶憶官羅摺摺銷紅色  
吹花有盡情無極  
淚滴空簾香潤柳枝濕  
春愁浩蕩湘波窄  
紅蘭夢繞江南北  
燕鶯都是東風客  
移盡庭陰春老杏花白

前調

擬二  
隱

周密

餘寒正怯金釵影  
卸東風揭舞衣  
綠損愁千摺  
一縷楊

絲猶是去年折  
臨牕擁髻愁難說  
花庭一寸臙脂雪  
春花似舊心情別  
待摘玫瑰飛下粉黃蝶

前調

王沂孫

小牕銀燭輕鬢半擁  
釵橫玉數聲春調清  
真曲低拂朱簾殘影  
亂紅撲垂楊學畫蛾  
眉綠年年芳草迷金  
谷如今休把佳期卜  
一掬春情斜月杏花  
屋

前調

張炎

柳侵闌角畫簾風軟  
紅香落引人蝴蝶翻  
輕薄已自闌

情和夢近來惡 眉梢輕把閒愁著如今愁重眉梢弱  
雙眉不畫愁消却不道愁痕來傍眼邊覺

前調

張炎

鏤花鐫葉滿枝風露和香攪引將芳思歸吟篋夢與魂  
消閒了弄香蝶 小樓簾捲歌聲歇幽篁獨處泉鳴咽  
錦箋空往愁難說畫角寒梅吹碎半江月

前調

石孝友

友鶯夢蝶尋花問柳深相結教春去後尋芳歇零落朋

遊辜負好時節  
眼邊愁緒多於髮  
迢迢一水通吳越  
舊歡新恨都休說  
坐暖殘紅沉醉碧  
天闊

前調

石孝友

空庭草積吹花風  
去春無跡鎖鸞深  
處應相憶紅染羅  
巾顰損眉山碧  
曲屏塵暗雙灘  
瀾醉衾不暖爐煙  
濕  
一簾暝色人孤  
寂夢裏燈殘心上  
雨聲滴

前調

石孝友

紅嬌翠弱怨人珠  
淚頻偷落歸期莫  
負香牋約雨斷雲



消總是初情薄  
夜深秋氣生簾幙  
半衾依舊空閒却  
故人何處孤舟泊  
兩岼秋聲一夜風濤惡

前調

薛夢桂

單衣乍著殢寒更  
傍東風作珠簾壓定銀鈎索  
雨弄新晴輕旋玉塵落  
花屑巧借妝紅約  
嬌羞暫放三分萼  
尊前不用多評泊  
春淺春深都向杏梢覺

前調

落花

王坊

翻空紅雨多隨春信紛紛去  
萬千綠葉無情緒連夜生

新占盡花開處 一霎辭根無定所傷心今古成黃土  
憐香只有鶯啼樹似勸東風畧做些兒主

前調

葛實甫  
見訪

陳繼儒

笋兒初出閉門愁見遊人入是誰剥啄柴門急帶水拖  
泥花瓣埋雙屐 草堂幽靜桐陰碧定巢燕子曾相識  
酒槽紅串珍珠滴不飲何為空笑髯如戟

前調

陳子龍

青樓繡句韶華一半無人見海棠夢斷前春怨幾處垂

楊不耐東風捲 飛花狼藉深深院  
滿簾風雨爐烟篆  
黃昏相對殘燈面  
聽徹三更玉枕歌將徧

夜遊宮

雙調五  
十七字

夜遊宮

秦觀

何事東君又去滿空院落花飛絮  
巧燕呢喃向人語  
何曾解說伊家些子苦  
況是傷心緒  
念箇人久成睽阻  
一覺相思夢回處  
連宵雨更那堪聞杜宇

前調

賀鑄

湖上蘭舟暮發揚州夢斷燈明滅想見瓊花開似雪帽  
簷香玉纖纖曾為折溪管吹還咽問何意煎人愁絕  
江北江南新念別掩芳尊與誰同今夜月

前調

陽春亭成  
因友寄鶴

毛滂

長記勞君送遠柳煙重桃花波暖花外溪城望不見古  
槐邊故人稀秋鬢晚我有凌霄伴在何處山寒雲亂  
何不隨君弄清淺見伊時話陽春山數點

前調

周邦彥

客去車塵未斂空堦暗雨苔千點月皎風清在處見奈  
今宵照初弦吹一箭池曲河聲轉念歸計眼迷魂亂  
明日前邨更荒遠且開尊任紅鱗生酒面

前調

周邦彥

葉下斜陽照水捲輕浪沉沉千里橋上酸風射眸子立  
多時看黃昏燈火市古屋寒牕底聽幾片井桐飛墜  
不戀單衾再三起有誰知為蕭娘書一紙

前調

周邦彥

一陣斜風橫雨薄衣潤新添金縷不謝鉛華更清素倚  
筠牕弄么絃嬌欲語小閣橫香霧正年少小娥愁緒  
莫是栽花被花妒甚春來病懨懨無會處

前調

呂渭老

半吐寒梅未折雙魚沉水漸初結戶外明簾風任揭擁  
紅爐灑牕間惟積雪比去年時節這心事有人收說  
斗帳薰薰鴛鴦被疊酒微醺管燈花今夜別

前調

句景亭

張孝祥

聽話危亭句景芳郊迴草長川永不待崇岡與峻嶺倚  
闌干望無窮心已領萬事浮雲影最曠闊鷺閒鷗靜  
好是炎天煙雨醒柳陰濃芰荷香風日冷

前調

方千里

城上昏煙四斂畫樓外陡聽更點千里相思夢中見恨  
年華逐東流隨急箭簾影參差轉夜初過水沉煙亂  
賸枕餘衾故人遠憶閒窓彈雲鬟低粉面

御

前調

楊澤民

一葉翻然下水船頭轉已行千里冷落杯盤薦梅子又  
經過嶺邊村江上市那更輕帆底一路上翠飄紅墜  
深夜方眠五更起說相思試揮毫還滿紙

前調

吳文英


春語鶯迷翠柳煙隔斷晴波遠岫寒壓重簾幔拖繡袖  
爐香倩東風與吹透花信催時候舊相思偏供閒晝  
春澹情濃半中酒玉痕消似梅花更清瘦



前調

吳文英

人去西樓鴈杳，叙別夢揚州。一覺雲澹星疎，楚山曉聽啼鳥。立河橋話未了，雨外蛩聲早。細織就霜絲多少。說與蕭娘，未知道向長安對秋燈，令人老。



選歷代詩餘卷三十四

欽定四庫全書

集部  
御選歷代詩餘卷三十五

詳校官中書臣潘有為

侍讀臣孫球覆勘

總校官進士

臣

朱

鈐

校對官主事

臣

陳文樞

謄錄監生

臣

張

濤

欽定四庫全書

御選歷代詩餘卷三十五目錄

起五十七字  
至五十八字

謝新恩

南唐李煜

陽臺夢

又一體

解昉

鵲橋仙

又一體

黃庭堅

倚西樓

無名氏

荷葉鋪水面

康與之

家山好

無名氏

河傳

又一體

柳永

前調 又一體

柳永

小重山

劉景翔

楊基

周用

芳草渡 又一體

張先 二首

宜男草

陳三聘

小重山

又一體

和凝

二首

薛昭蘊

二首

賀鑄

三首

毛滂

四首

呂渭老

二首

沈會宗

三首

蔡伸

汪藻

趙師俠

趙長卿

二首

岳飛

辛棄疾

二首

姜夔

黃機

許棐

章穎

韓澆

二首

汪莘

盧炳

蔣捷

陳允平



張炎二首

何夢桂

李萊老

僧祖可

李清照

吳淑姬

元好問

劉東忠

二首

欽定四庫全書

御選歷代詩餘

卷三十五目錄

劉基

吳子孝

二首

裴昌今

前調

又一體

黃子行

臨江仙

又一體

毛文錫

牛希濟

六首

閻選 二首

李珣 二首

前調 又一體

南唐李煜

顧夔

鹿虔扈

尹鶚

毛熙震

孫光憲

二首

張泌

歐陽修

二首

許庭

四首

謝逸

蔡伸

二首

趙彥端

劉光祖

吳子孝三首

前調又一體

南唐李煜

馮延巳

前調又一體

徐昌圖

晏幾道

七首

陳師道

趙長卿

二首

陸游

高觀國

史達祖

趙潛

詹正

錢光繡

鵲橋仙又一體

韓滄

惜分釵

呂渭老

二首

七娘子

蔡伸

夜行船

又一體

趙長卿

前調

又一體

王 嶠

河傳

又一體

徐昌圖

恨春遲

張先

花上月令

吳文英

王 礪



無名氏

欽定四庫全書

御選歷代詩餘

御選歷代詩餘卷三十五目錄

欽定四庫全書

御選歷代詩餘卷三十五

起五十七字至五十八字

司經局洗馬掌局事兼翰林院修撰加二級臣王奕清奉

旨校刊

謝新恩

雙調五十七字

謝新恩

南唐李煜

秦樓不見吹簫女空餘上苑風光粉英金蕊自低昂東

欽定四庫全書

御選歷代詩餘

風惱我纔發一衿香 瓊窓夢留殘日當年得恨何長  
碧闌干外映垂楊暫時相見如夢嬾思量

陽臺夢

又一體雙調  
五十七字

陽臺夢

解昉

仙姿本寓十二峰前住千里行雲行雨偶因鶴馭過巫  
陽邂逅他楚襄王 無端宋玉誇才賦誣誕人心素至  
今狂客到陽臺也有癡心望妾入夢中來

鵲橋仙

人一體雙調  
五十七字

鵲橋仙

次東坡  
七夕韻

黃庭堅

八年不見清都絳闕望銀漢溶溶漾漾年年牛女恨風  
波算此事人間天上野麋豐草江鷗遠水老大惟便  
疎放百錢端往問君平早晚具歸田小舫

倚西樓

雙調五  
十七字

倚西樓

無名氏

禁鼓初傳時下打虛過清風明月夜眼如魚目幾時乾  
心似酒旗終日挂銀漢低垂星斗斜院宇空寥燭卸  
西樓瀟灑有誰知教我獨自上來獨自下

荷葉鋪水面

雙調五

十七字

荷葉鋪水面

康與之

春光艷冶遊人踏綠苔千紅萬紫競香開煙風拂鼻鬚

幕地暗香透滿懷  
荼蘼似錦裁嬌紅  
間嫩白只怕迅  
速春回誤落在塵埃  
折向鬢雲邊金鳳釵

家山好

雙調五

十七字

家山好

無名氏

挂冠歸去舊烟蘿  
閒身健養天和功名富貴非由我  
莫貪他者歧路足風波  
水晶宮裏家山好物外勝遊多  
晴谿短棹時時醉  
唱捩梭羅天公奈我何

河傳

又一體雙調  
五十七字

河傳

柳永

翠深紅淺愁蛾黛蹙嬌波刀翦奇容妙技互逞舞裊歌  
扇妝先生粉面坐中醉客風流慣尊前見特地驚狂  
眼不似少年時節千金爭選相逢何太晚

前調

又一體

柳永

淮岸向晚團荷向背芙蓉深淺仙娥畫舸露影紅芳交



亂難分花與面 采多漸覺輕船滿  
呼歸伴急漿煙波  
遠隱隱棹歌漸被蕙葭遮斷  
曲終人不見

### 小重山

重或作冲一名枕屏  
風雙調五十七字

### 小重山

劉景翔

山翠晴嵐曲曲隈  
紅香浮玉醉容頽  
不煩人築避風臺  
瀟湘路隨意自徘徊  
春倦怕頻催  
琵琶私語近問誰  
來春風那隔錦雲堆  
夢中蝶飛去又飛回

前調

初陽道  
中聞蛙

楊基

纍纍相雲帶晚霞東風吹絮落晴沙夢魂今夜繞天涯  
春暮也芳草亂鳴蛙 獨自莫咨嗟青煙飛颺處有人  
家且分新火試新茶新竹裏無數木蘭花

前調

周用

江上雙峰擁翠鬟新詞合賦小重山芳泉斜逗玉龍灣  
清鏡裏和影弄潺湲 蹤跡落人間眼中知己少且偷  
閒憂來陡覺帶圍寬分付我高卧且加餐

芳草渡

又一體雙調  
五十七字

芳草渡

張先

雙門曉鎖響朱扉  
千騎擁萬人隨  
風烏弄影畫船移  
歌時淚和別怨作秋悲  
寒潮小渡淮遲  
吳越路漸天涯  
宋王臺上為相思  
江雲下日西盡鴈南飛

前調

張先

主人宴客玉樓西  
風飄忽雪霏霏  
唐昌花蕊漸平枝  
浮

光裏寒聲聚隊禽棲  
驚曉日喜春遲野橋時伴梅飛  
山明日遠霽雲披溪上月堂下水併春暉

宜男草

雙調五

十七字

宜男草

陳三聘

綠水黏天淨無浪轉東風縠紋微漲箇中趣莫遣人知  
容日日扁舟獨往平生書癖已無恙解名韉更逃羈  
網春近也梅柳頻看上玉蕊金絲暗長

小重山

又一體雙調  
五十八字

小重山

和凝

春入神京萬木芳  
禁林鶯語滑  
蝶飛狂  
曉花擎露妒啼  
妝  
紅日永風和  
百花香  
煙鎖柳絲長  
御溝澄碧水轉  
池塘  
時時微雨洗風光  
天衢遠到處引笙簧

前調

和凝

正是神京爛漫時  
羣仙初折得  
郊詵枝  
烏犀白紵最相

宜精神出御陌袖鞭垂  
柳色展愁眉管絃分響亮探  
花期光陰占斷曲江池新榜上名姓徹丹墀

前調

薛昭蘊

春到長門春草青紫堦華露滴月朧明東風吹斷玉簫  
聲宮漏促簾外曉啼鶯  
愁起夢難成紅妝流宿淚不  
勝情手接裙帶遶花行思君切羅幌暗塵生

前調

薛昭蘊

秋到長門秋草黃畫梁雙燕去出宮牆玉簫無復理霓

棠金蟬墜鸞鏡掩休妝  
憶昔在昭陽舞衣紅綬帶繡  
鴛鴦至今猶惹御爐香  
魂夢斷愁聽漏更長

前調

賀鑄

夢草池南壁月堂  
綠陰深蔽日轉鸛黃澹蛾輕鬢似宜  
妝歌扇小煙雨畫瀟湘  
薄晚具蘭湯雪肌英粉膩更  
生香簾紋如水竟檀牀  
雕大枕並得兩鴛鴦

前調

賀鑄

花院深疑無路通  
碧紗牕影下玉芙蓉  
當時偏恨五更

鐘分攜處斜月小簾櫳  
楚夢冷沉踪一雙金縷枕半  
牀空畫樓臨水鳳城東樓前柳憔悴幾秋風

前調

賀鑄

飄徑梅英雪未融芳菲消息到杏梢紅隔年歡事水西  
東凝思久不語坐書空  
回想夾城中綵山簫鼓沸綺  
羅叢鈿車珠網玉花驄香陌上誰與鬪春風

前調

宴張守

毛滂

碧瓦朱甍紫翠明玻璃屏幃裏錦為城子胥英爽海濤



橫玉堂客於此勸春耕  
五月政當成巖廊將去路肯  
留行江山形勝為公傾  
公惜醉風月若為情

前調

立春日  
欲雪

毛滂

誰勸東風臘裏來不知天待雪惱江梅  
東郊寒色尚徘徊  
雙彩燕飛傍鬢雲堆  
玉冷曉妝臺  
宜春金縷字拂  
香腮紅羅先繡踏青鞵  
春猶淺花信更須催

前調

毛滂

門外東風糝玉塵  
曲房花氣霽博山  
春小槽珠滴桂椒

九十五  
芬臘梅蕊誰共醉中聞 睡起靜無人曲屏橫遠翠錦  
為鱗十年舊事夢如新紅蕤枕猶暝楚峰雲

前調

毛滂

鶴舞青青雪裏松冰開龜在藻綠蒙茸一成不記蕊珠  
宮蟠桃熟應待幾東風 玉酒紫金鐘非煙羅幕暝寶  
熏濃贈君春色臘寒中君留取長伴臉邊紅

前調

呂渭老

半夜燈殘鼠上檠小牕風動竹月微明夢魂偏記水西

亭琅玕碧花影弄蜻蜓  
千里暮雲平南樓催上燭晚  
來晴酒闌人散斗西傾天如水團扇撲流螢

前調

呂渭老

雲護柔條雪壓枝斜風吹絳蠟點胭脂薔薇揉水麝分  
臍園林晚脈脈帶斜暉深閣繡簾低寶匳勻淚粉晚  
妝遲一枝屏外對依依清宵永誰伴破寒庀

前調

沈會宗

花過園林清陰濃琅玕新脫筍綠成叢雨聲只在小樓

東閣歌枕敵面芰荷風  
長日蔽簾櫳輕塵飛不到畫  
堂空一尊今夜與誰同人如玉相對月明中

前調

沈會宗

椽燭垂珠清漏長  
酒黏衫袖濕有餘香  
紅牙雙捧旋排  
行將歌處相向更勻妝  
明月映東牆  
海棠花逕密迸  
流光遲留春筍緩催觴  
蘭堂靜人已候虛廊

前調

沈會宗

碧藕花風入袖香  
涓涓清露浥玉肌  
涼折花無語傍橫

塘隨折處一寸萬絲長  
還更擘蓮房蓮心真箇苦似  
離腸凌波新恨儘難忘分攜也觸事著思量

前調

蔡伸

樓上風高翠袖寒碧雲籠澹日照闌干綠楊芳草恨絲  
絲長亭路何處認征鞍曉鏡嬾重看鬢雲堆鳳髻任  
闌珊鸞衾鴛枕小屏山人如玉忍負一春閒

前調

汪藻

月下潮生紅蓼汀淺霞都歛盡四山青柳梢風急墮流

螢隨波去點點亂寒星  
別語寄叮嚀如今能間隔幾  
長亭夜來秋氣入銀屏梧桐雨還恨不同聽

前調

趙師俠

樂歲農家喜夜春朝來收宿霧快新晴雲移日轉午風  
輕香羅薄暄暖困遊人積水滿春塍綠波翻鬱鬱露  
秧鍼幸無離緒苦牽情煙林外時聽杜鵑聲

前調

趙長卿

綠樹陰陰春已休羣花飄盡也不勝愁遊絲飛絮兩悠

悠迷芳草日暖雨初收  
深院小遲留好香燒一炷細  
煙浮更聽羯鼓打梁州惱人處宿酒尚扶頭

前調 楊花

趙長卿

枝上楊花糝玉塵晚風扶起處雪輕盈撲人點點細無  
聲誰能惜撩亂滿江城  
忍淚未須傾十年追往事歎  
流鶯曉來雨過轉傷情鋪池綠遺恨寄浮萍

前調

岳飛

昨夜寒蛩不住鳴驚回千里夢已三更起來獨自遶階

行人悄悄簾外月朧明  
白首為功名舊山松竹老阻  
歸程欲將心事付瑤琴知音少絃斷有誰聽

前調

辛棄疾

旋製離歌唱未成陽關先畫出柳邊亭  
中年懷抱管絃聲難忘處風月此時情  
夜雨共誰聽儘教清夢去兩  
三程商量詩價重連城相如老漢殷舊知名

前調

三山與客  
泛西湖

辛棄疾

綠漲連雲翠拂空十分風月處著山翁  
垂楊影斷岸西



東君恩重教且種芙蓉 十里水晶宮有時騎馬去笑  
兒童殷勤却謝打頭風船兒住且醉浪花中

前調

潭州紅梅

姜夔

人繞湘皋月墜時斜橫花樹小浸愁漪一春幽事有誰  
知東風冷香遠茜裙歸 鷗去昔遊非遙憐花可可夢  
依依九疑雲杳斷魂啼相思血都沁綠筠枝

前調

黃機

梧竹因依山盡頭蕭蕭疎雨後幾分秋輕涼無數入西

樓凭闌久滿眼動離愁  
飛鷺下汀洲怕知鴻雁到帶  
書不詩闔酒戲一時休人如削身在水邊洲

前調

許棐

正是拈芳采艷時連朝風雨裏掩朱扉強排春恨剪新  
詞詞未就鶯唱縷金衣雲薄弄晴暉試穿花徑去揀  
雙枝紫香紅膩鬢邊宜簪不盡瓶裏頓將歸

前調

章穎

柳暗花明春事深小闌紅芍藥已抽簪雨餘風軟碎鳴

琴遲遲日猶帶一分陰  
把酒莫沈吟身閒無箇事且  
登臨舊遊何處不堪尋  
無尋處惟有少年心

前調

韓 澮

雲影收晴雨外明  
碧溪春灩灩落花平  
鶯聲催我過橋  
行人何在詩酒澹心情  
閒裏興還生  
錦鱗題尺素有  
誰能草邊芳徑  
柳邊城歸來也清夢繞山屏

前調

韓 澮

點染煙濃柳色新  
小桃紅映水日初勻  
露收芳徑草鋪

茵凝情久風澹起輕塵  
梁燕已爭春折花閒伴酒試  
濡脣流鶯何處語聲頻闌干曲蜂蝶更隨人

前調

汪莘

居士情懷愛小春恰如重會面舊時人東君輕笑又輕  
顰知道我春去却傷心青鳥下紅巾瑤池春信早莫  
因循柳絲黃日牡丹辰相隨逐春淺到春深

前調

盧炳

一見情懷便雅投尊前成密約意綢繆已成行計里歸

舟空相憶無計為伊留  
執別話離愁紫牽滋味惡在  
心頭而今無奈阻歡遊此子事此恨兩悠悠

前調

蔣捷

晴浦溶溶明斷霞樓臺搖影處是誰家銀紅裙襪顰宮  
紗風前坐間闌鬱金芽人散樹啼鴉粉團黏不住舊  
繁華雙龍尾上月痕斜而今照冷澹向菱花

前調

陳允平

岸柳黃深綠漸饒林塘初雨過漲蒲萄秋千亭榭彩旗

交鶯聲裏春在杏花梢  
慵整翠雲翹眉尖愁兩點倩

誰描斜陽芳草暗魂消東風遠猶凭赤闌橋

前調

題曉  
竹圖

張炎

澹色分山曉氣浮疎林猶剩葉不多秋林深  
髮髯昔曾遊頻喚酒漁屋岼西頭不礙此凝眸  
朦朧清影裏過扁舟行行應到白蘋洲煙水冷  
傳語舊沙鷗

前調

題煙  
竹圖

張炎

陰過雲根冷不移古林疎又密色依依何須噴飯笑當

時簫簫谷盈尺小鵝溪  
展翫似堪疑楚山從此去望  
中迷不知何處倚湘妃空江晚長笛一聲吹

前調

何夢桂

吹斷笙簫春夢寒倚樓思往事淚偷彈別時容易見時  
難相看處惟有玉連環人在萬重山近來應不似舊  
時顏重門深院柳陰間曾攜手休去凭危欄

前調

李萊老

畫簷簪柳碧如城一簾風雨裏過清明吹簫門巷冷無

聲梨花月今夜負中庭  
遠岫歛修顰春愁吟入譜付  
鶯鶯紅塵沒馬翠埋輪西泠曲歡夢絮飄零

前調

僧祖可

誰向江頭遣恨濃  
碧波流不斷楚山重柳煙和雨隔疎鐘  
黃昏後羅幙更朦朧  
桃李小園空阿誰猶笑語拾  
殘紅珠簾卷盡夜來風人不見春在綠蕪中

前調

宋媛  
李清照

春到長門春草青  
江梅些子破未開勻碧雲籠碾玉成



塵留晚夢驚破一甌雲  
花影壓重門疎簾鋪淡月好  
黃昏二年三度負東君歸來也著意過今春

前調

宋媛  
吳淑姬

謝了荼蘼春事休無多花片子綴枝頭庭槐影碎被風  
揉鶯雖老聲尚帶嬌羞  
獨自倚妝樓一川煙草浪襯  
雲浮不如歸去下簾鉤心兒小難著許多愁

前調

元好問

酒冷燈青夜不眠寸腸千萬縷兩相牽鴛鴦秋雨半池

蓮分飛苦紅淚曉風前  
天遠鴈翩翩鴈來人去也遠  
如天安排心事待明年無情月看待幾時圓

前調

劉秉忠

詩酒休驚誤一生黃塵南北路幾功名枝頭烏鵲夢頻  
驚西州月夜夜照人明枕上數寒更西風殘漏滴兩  
三聲客中新感故園情音書斷天曉鴈孤鳴

前調

劉秉忠

一片殘陽樹上明百禽爭噪雨初晴西風鴻鴈落沙

汀扁舟遠漁笛兩三聲  
煙草逐人行前山青未了後  
山橫山川人物關崢嶸黃塵路鞍馬笑平生

前調

詠月

劉基

始映西軒似玉鉤想應容不得一些愁娟娟斜倚鳳凰  
樓窺朱戶應自半含羞今夜正悠悠玉池金岬側是  
瀛洲人間天上一般秋銀潢水何事獨西流

前調

與客遊西山  
雨作登虎邱

吳子孝

江上垂楊綠似煙杏桃初破萼鬪紅鮮輕風徐引木蘭

船羅袂薄春水碧浮天  
寒重雨絲懸西山看咫尺去  
無緣回撓剛聽暮鐘傳雲慘淡蘭葉滿春田

前調

吳子孝

池面新荷散綠鮮燕仍歸畫棟兩翩翩  
闌干閒倚小山前薰風細度處響冰絃  
垂手弄清泉荷珠元不定碎  
還圓輕雲盡斂月初懸簾櫳靜金鼎試沈煙

前調

湖上  
春遊

裴昌今

山遶平湖寺遶山堤過千樹柳綠絲繁杏花嬌倚玉闌

千秦樓畔小鳥語  
繇蠻紅粉試輕紈  
笙歌吹畫舫  
漾飛鸞  
酒旗撩亂繫雕鞍  
春色暖芳草弄晴灣

前調

又一體

黃子行

一點斜陽紅欲滴  
白鷗飛不盡  
楚天碧  
漁歌聲斷晚風急  
攬蘆花飛雪滿林濕  
孤館百憂集  
家山千里遠  
夢難覓  
江湖風月好收拾  
故溪雲深處著蓑笠

臨江仙

又一體  
雙調  
五十八字

臨江仙

毛文錫

暮蟬聲盡落斜陽  
銀蟾影挂瀟湘  
黃陵廟側水茫茫  
楚山紅樹煙雨隔高唐  
岼泊漁燈風颭碎  
白蘋遠散濃香  
靈娥鼓瑟韻清商  
朱絃淒切雲散碧天長

前調

牛希濟

謝家仙觀寄雲岑  
巖蘿拂地成陰  
洞房不閉白雲深  
當時丹竈一粒化黃金  
石壁霞衣猶半挂  
松風長似鳴琴  
時聞鶴唳起前林  
十洲高會何處許相尋

前調

牛希濟

渭闕宮城秦樹凋，玉樓獨上無憀。  
含情不語，自吹簫調，清和恨天路。  
逐風飄。何事乘龍人，忽降似知深意，相招。  
三清攜手路，非遙。世間屏障，彩筆畫嬌嬈。

前調

牛希濟

素洛春光潋灩平，千重嬌臉初生。  
凌波羅襪試輕輕，煙籠日照珠翠半分明。  
風引寶衣疑欲舞，鸞迴鳳翥堪驚。  
也知心許恐無成。陳王辭賦千載有聲名。

前調

牛希濟

柳帶搖風漢水濱  
平蕪兩岸爭勻鴛鴦對浴浪痕新  
弄珠遊女微笑自含春  
輕步暗移蟬鬢動羅裙  
風惹輕塵水精宮殿豈無因  
空勞纖手解珮贈情人

前調

牛希濟

洞庭波浪颭晴天  
君山一點凝煙  
此中真境屬神仙  
玉樓珠殿相映月輪邊  
萬里平湖秋色冷  
星辰垂影森然  
橘林霜重更紅鮮  
羅浮山下有路暗相連



前調

牛希濟

峭碧參差十二峰  
冷煙寒樹重重  
瑤姬宮殿是仙蹤  
金爐珠帳香靄晝偏濃  
一自楚王驚夢斷  
人間無路相逢  
至今雲雨帶愁容  
月斜江上征棹動晨鐘

前調

閻選

雨停荷芰逗濃香  
岼邊蟬噪垂楊  
物華空有舊池塘  
不逢仙子何處夢襄王  
珍簾對敲鴛枕冷  
此來塵暗淒涼  
欲憑危檻恨偏長  
藕花珠綴猶似汗凝妝

前調

閨選

十二高峰天外寒竹梢輕拂仙壇寶衣行雨在雲端晝  
簾深殿香霧冷風殘欲問楚王何處去翠屏猶掩金  
鑾猿啼明月照空灘孤舟行客驚夢亦艱難

前調

李珣

簾捲池心小閣虛暫涼閒步徐徐芰荷經雨半凋疎拂  
堤垂柳蟬噪夕陽餘不語低鬟幽思遠玉釵斜墜雙  
魚幾迴偷看寄來書離情別恨相隔欲何如

前調

李珣

鶯報簾前暖日紅  
玉爐殘麝猶濃  
起來閨思尚踈慵  
別愁春夢誰解此情悰  
強整嬌姿臨寶鏡  
小池一朵芙蓉  
舊歡無處再尋蹤  
更堪回顧屏畫九疑峰

前調

又一體

南唐李煜

櫻桃落盡春歸去  
蛺蝶輕粉雙飛  
子規啼月小樓西  
玉鈎羅幕惆悵暮煙垂  
別巷寂寥人散後  
望殘煙草低迷  
爐香閒裊鳳凰兒  
空持羅帶回首恨依依

前調

顧 覓

幽閨小檻春光晚柳濃花淡鶯稀舊懽思  
想尚依依翠顰紅斂終日損芳菲何事狂夫  
音信斷不如梁燕猶歸畫堂深處麝煙微  
屏虛枕冷風細雨霏霏

前調

鹿虔扈

無賴曉鶯驚夢斷起來殘酒初醒映牕綠  
柳裊煙青翠簾慵卷約砌杏花零一自玉  
郎遊冶去蓮凋月慘儀形暮天微雨灑閒  
庭手按裙帶無語倚雲屏

前調

尹鶚

深秋寒夜銀河靜月明小院中庭西牕幽夢等閒成  
逡巡覺後特地恨難平紅燭半條殘燄短依稀暗背銀  
屏枕前何事最傷情梧桐葉上點點露珠零

前調

毛熙震

幽閨欲曙聞鶯轉紅牕月影微明好風頻謝落花聲隔  
幃殘燭猶照綺屏第繡被錦茵眠玉暖炷香斜裊煙  
輕澹蛾羞斂不勝情暗思閒夢何處逐雲行

前調

孫光憲

霜拍井梧乾葉墮翠帷雕檻初寒薄鉛淺黛稱花冠含  
情無語延佇倚闌干杳杳征輪何處去離愁別恨千  
般不堪心緒正多端鏡奩長掩無意對孤鸞

前調

孫光憲

暮雨淒淒深院閉燈前凝坐初更玉釵低壓鬢雲橫半  
垂羅幙相映燭光明終是有心投漢珮低頭但理秦  
箏燕雙鸞耦不勝情只愁明發將逐楚雲行

前調

張泌

煙收湘渚秋江靜  
蕉花露泣愁紅  
五雲雙鶴去無蹤  
幾回魂斷凝望向長空  
翠竹暗留珠淚怨閒調  
寶瑟波中花鬢月鬢綠  
雲重古祠深殿香冷  
雨和風

前調

歐陽修

記得金鑾同唱第  
春風上國繁華  
如今薄宦老天涯  
十年岐路空負曲江花  
聞說閨山通閨苑  
樓高不見君家  
孤城寒日等閒斜  
離愁難盡紅樹遠連霞

前調

歐陽修

柳外輕雷池上雨，雨聲滴碎荷聲。  
小樓西角斷虹明。  
闌干倚處，待得月華生。  
燕子飛來窺畫棟，玉鈎垂下簾。  
旌涼波不動，簾紋平水，精雙枕。  
傍有墮釵橫。

前調

詠柳  
四首

許庭

不見瀟陵原上柳，徃來過盡蹄輪。  
朝離南楚暮西秦，不  
成名利，贏得鬢毛新。  
莫怪枝條憔悴損，一生惟苦征  
塵。  
兩三煙樹倚孤村，夕陽影裏，愁絕宦遊人。



前調

許庭

不見昭陽宮內柳黃金齊撚輕柔東君昨夜到皇州玉  
階金井無處不風流 悵望翠華春欲暮六宮都鎖春  
愁暖風吹動繡簾鉤飛花委地時轉玉香毬

前調

許庭

不見陶家門外柳柴扉一徑遙通閒門終日掩清風感  
君高節綠蔭向人濃 籬落蕭疎雞犬靜日長飛絮濛  
濛先生一醉萬緣空時經高卧不到翠陰中

前調

許庭

不見都門亭畔柳春來綠盡長條柳邊行色馬蕭蕭一枝折贈相見又何朝酒盡曲終人去也風前亦自無聊祇應於我恨偏饒東君特地付與沈郎腰

前調

重九

謝逸

木落江寒秋色晚颼颼吹帽風清丹楓樓外擣衣聲望高懷遠山影雁邊橫露染宮黃庭菊淺茱萸煙拂紅輕尊前誰整醉冠傾酒香熏臉落日斷霞明

前調

蔡伸

繁杏枝頭蜂蝶亂香風闔坐微聞靚妝濃艷任東君無  
情風雨春事已平分珍重主人留客意夜闌秉燭開  
尊何須歌韻遏行雲羽觴交勸揮麈細論文

前調

木樨

蔡伸

仙品不同桃李艷移來月窟雲鄉幽姿綽約道家妝綠  
雲堆髻嬌額半塗黃可但乍涼風月下饒伊獨占秋  
光雨中別有惱人香錯教蕭史腸斷憶巫陽

前調

趙彥端

十載長安桃李夢年來鏡淨塵空忽傳彩筆小牋紅滿  
懷秋思傾倒為芙蓉莫恨霜濃開較晚尊前元有春  
風酣嬌肯為別人容試攜銀燭斜照綠波中

前調

劉光祖

小院回廊春寂寂晚來獨自閒行畫簾東畔碧雲生也  
知無雨空滴枕邊聲一簇小桃開又落低頭拾取紅  
英東風相送忘相迎梨花寒食到得錦官城

前調

吳子孝

嶺上桂花開萬斛輕風吹散天香枝枝金粟映鵝黃神  
清興逸起舞勸霞觴恍入廣寒宮殿裏花陰如奏霓  
裳姮娥不見倚新妝綠雲步幃容我醉吳剛

前調

吳子孝

乍暖小園開晚宴單衣初試輕羅蝶慵蜂嬾落花多珠  
簾半捲微月映清波雲澹烟濃池島靜梧桐影薄高  
柯共瞻霖雨灑松蘿望窮霄漢誰為挽銀河

前調

吳子孝

芳草滿庭渾似鴈鵲來競報歡聲垂楊雨後綠尤明湘  
簾試卷風細晚涼生深巷地幽人不到門前空植雙  
旌小池魚靜玉波平朱闌閒凭天外夏雲橫

前調

又一體

南唐李煜

庭空客散人歸後畫堂半掩珠簾林風浙浙夜厭厭小  
樓新月回首自纖纖春光鎮在人空老新愁往恨何  
窮金牕力困起還慵一聲羌笛驚起醉怡容

前調

馮延巳

冷紅飄起桃花片  
青春意緒闌珊  
高樓簾幕捲輕寒  
酒餘人散  
獨自倚闌干  
夕陽千里連芳草  
風光愁煞王孫  
徘徊飛盡碧天雲  
鳳城何處  
明月照黃昏

前調

又一體

徐昌圖

飲散離亭西去  
浮生常恨飄蓬  
回頭煙柳漸重重  
澹雲孤鴈遠  
寒日暮天紅  
今夜畫船何處  
潮平淮月朦朧  
酒醒人靜  
奈愁濃  
殘燈孤枕夢輕浪  
五更風

前調

晏幾道

鬪草堦前初見穿鍼樓上曾逢羅裙香露玉釵風靚妝  
睂沁綠羞艷粉生紅 流水便隨春遠行雲終與誰同  
酒醒常恨錦屏空相尋夢裏路飛雨落花中

前調

晏幾道

身外閒愁空滿眼中歡事常稀明年應賦送君詩細從  
今夜數相會幾多時 淺酒欲邀誰勸深情惟有君知  
東溪春近好同歸柳垂江上影梅謝雪中枝



前調

晏幾道

淡水三年歡意危絃幾夜離情曉霜紅葉舞歸程客情  
今古道秋夢短長亭 綠酒尊前清淚陽關疊裏離聲  
少陵詩思舊才名雲鴻相約處煙霧九重城

前調

晏幾道

淺淺餘寒春半雪銷蕙草初長煙迷柳岸舊池塘風吹  
梅蕊閉雨細杏花香 月墜枝頭懽意從前虛夢高唐  
覺來何處放思量如今不是夢真箇到伊行

前調

晏幾道

長愛碧闌干影芙蓉秋水開時臉紅凝露學嬌啼霞觴  
熏冷艷雲髻裊纖枝煙雨依前時候霜叢如舊芳菲  
與誰同醉采香歸去年花下客今似蝶分飛

前調

晏幾道

旖旎仙花解語輕盈春柳能眠玉樓深處綺牕前夢回  
芳草夜歌罷落梅天沈水濃薰繡被流霞淺酌金船  
綠嬌紅小正堪憐莫如雲易散須似月頻圓

前調

晏幾道

夢後樓臺高鎖酒醒簾幕低垂去年春恨却來時落花  
人獨立微雨燕雙飛記得小蘋初見兩重心字羅衣  
琵琶絃上說相思當時明月在曾照彩雲歸

前調

陳師道

曲巷斜街信馬小橋流水誰家淺妝深態倚門斜只緣  
些子意消得百般誇粉面初生明月酒容欲退朝霞  
春風還解染霜華肯持鴛綺被來伴杜陵花

前調

趙長卿

春事猶餘十日吳蠶早已三眠多情忍對落花前荼蘼  
飄暖雪荷葉媚晴天香淡無心浸酒綠浮可意邀船  
時光堪恨也堪憐單衣三月暮歌扇一番圓

前調

趙長卿

遠岫螺頭濕翠流霞頰尾疎明斷虹斜界雨新晴煙村  
燈火晚江浦畫難成我向其間泛葉終朝露渚風汀  
近來心事最關情不堪三弄笛吹作斷腸聲

前調

陸游

鳩雨催成新綠，燕泥收盡殘紅。春光還與美人同。論心  
空眷眷，分袂却匆匆。只道真情易寫，那知怨句難工。  
水流雲散各西東。半廊花院月，一帽柳橋風。

前調

高觀國

風月生來人世，夢魂飛墮仙津。青春日日醉芳塵。一鞭  
花陌曉，雙槳柳橋春。前度詩留醉袖，昨宵香浥羅巾。  
小姬飛燕是前身。歌隨流水，咽眉學遠山顰。

前調

史達祖

草脚青回細膩柳梢綠轉條苗舊遊重到合魂銷棹橫  
春水渡人凭赤闌橋歸夢有時曾見新愁未肯相饒  
酒香紅被夜迢迢莫教無用月來照可憐宵

前調

史達祖

倦客如今老矣舊時不奈春何幾曾湖上不經過看花  
南陌醉駐馬翠樓歌遠眼愁隨芳草湘裙憶著春羅  
枉教裝得舊時多向來簫鼓地猶見柳婆娑

前調

趙 潛

堤曲朱牆近，遠山明碧瓦。高低好風，二十四歸期。驕驄穿柳，去文鷁挾春飛。簫鼓晴雷殷，殷笑歌香霧霏霏。閒情不受酒禁持，斷橋無立處。斜日欲歸時。

前調

詹 正

自結牀頭塵尾巾，坐枕孤松片雲承。日過山東起聽荷葉雨，行受芷花風。無客同羹葍菜，有人為剝蓮蓬。東牆年少未從容，何因知我意。吹笛月明中。

前調

錢光繡

酒谷頽然便醉硯田荒矣慵耕不堪落葉兩三聲病從  
秋後減愁向雨中生拊劒還歌白石焚香復展黃庭  
徘徊山寺又鐘鳴鴉啼歸曉樹蛩語伴疎燈

鵲橋仙

又一體雙調  
五十八字

鵲橋仙

韓 澆

雨意生涼雲容催暮畫樓人倚闌干處柳邊新月已微



明銀潢隱隱疎星渡  
今古佳期漫傳牛女一杯試與  
尋新句幽懷冷眼是青山舊懽往恨渾無據

惜分釵

雙調五

十八字

惜分釵

呂渭老

春將半鶯聲亂柳絲拂馬花迎面小堂風暮樓鐘草色  
連雲暝色連空重重  
秋千畔何人見寶釵斜照春妝  
淺酒霞紅與誰同試問別來近日情悵忡忡

前調

呂渭老

重簷掛微燈下背闌同說春風話月盈樓淚盈眸覷著  
紅茵無計遲留休休鶯花謝春殘也等閒泣損香羅  
帕見無由恨難收夢短屏深清夜濃愁悠悠

七娘子

雙調五  
十八字

七娘子

蔡伸

天涯極目傷離緒登臨況值秋光暮手撚黃花憑誰分

付雖鴈落蒹葭浦 憑高目斷桃溪路  
屏山樓外青無數 綠水紅橋瑣  
朱戶如今總是銷魂處

夜行船

又一體雙調  
五十八字

夜行船

趙長卿

綠蓋紅幢籠碧水 魚眈處浪痕勻  
碎惜別慙慙留連無計 歌聲與淚  
和柔脆 一葉扁舟烟浪裏 曲灘頭  
此情無際 窈窕眉山暮霞紅處  
雨雲想翠峰十二

前調

又一體

王 岵

曲水湔裙三月二馬如龍  
鈿車如水風颺游絲日烘晴  
畫人共海棠俱醉 客裏光陰難可意  
埽芳塵舊遊誰記  
午夢醒來不覺小牕人靜  
春在賣花聲裏

河傳

又一體雙調

五十八字

河傳

徐昌圖

秋光滿目風清露白蓮紅水綠  
何處夢回弄珠拾翠蓋

盈倚蘭橈眉黛蹙  
採蓮調穩吳侶聲相續倚棹吳江  
曲驚起暮天幾雙交頸鴛鴦入蘆花深處宿

恨春遲

雙調五

十八字

恨春遲

張先

好夢才成成又斷  
晚起雲朶疏鬟秀  
臉拂新紅滴入嬌  
眉眼薄衣減春寒  
短柱溪橋波平岸  
畫閣外落日西  
山不忍間花並蒂  
秋藕同根何時重得雙蓮

花上月令

雙調五  
十八字

花上月令

吳文英

文園消渴愛江清  
酒觴怯怕深觥  
玉舟曾洗芙蓉水  
瀉清冰  
秋夢淺醉雲輕  
庭竹不收簾影  
去人睡起自空  
明瓦瓶汲井和秋葉  
薦吟醒夜深重怨遙更


玉碾萼

雙調五  
十八字

玉碾萼

無名氏

酥點萼玉碾萼點時碾時香雪薄才折得春力弱半掩  
朱扉垂繡幕怕吹落 撚一晌嗅一晌撚時嗅時宿酒  
惡春筍上不忍放待對菱花斜插向寶釵上



御選歷代詩餘卷三十五